

Naija - Promis God Wod - Promises Scriptures

Isaia 59:17; 61:10 - Efisos 6:14,17 So, mak una stand wel-wel kon tie trut laik belt roun una waist, den wear bullet proof koat as raitiousnes for una bodi. 17 Mak una wear salvashon laik cap for head kon hol di Spirit sword wey bi God wod.

Matu 20:30-34 Tu men wey blind sidan for di road kona. Wen dem hear sey Jisos dey pas, dem kon begin shaut, "David Pikin, mak yu sori for us!" 31 Pipol kon dey shaut for dem mak dem kwayet. Bot dem kon dey shaut more-more, "David Pikin, mak yu sori for us." 32 Jisos kon stop, kol and ask dem, "Wetin una wont mak I du for una?" 33 Dem ansa, "Oga, mak awa eye opun again." 34 Jisos sori for dem, so e tosh dia eye. At wons, dem begin si and dem kon folo Jisos.

Matu 24:22 "And if God nor reduce di days wen dis tins go hapun, evribodi go die finish. Bot bikos of di pipol wey God shuz, e go reduce di days.

Matu 26:41 "Opun yor eye mak yu pray, so dat yu nor go fal insaid temtashon. Yor spirit won du-am, bot yor flesh dey wik."

Mark 10:48-52 Meni pipol kon dey shaut for am mak e kwayet, bot e kon dey shaut more-more sey, "David pikin, sori for mi o-o!" 49 Jisos stop kon sey, "Kol am kom." So, dem tel di blind man, "Mak yu hapi! Get up bikos Jisos dey kol yu." 50 Bartimaeus trowey di klot wey e tak kova bodi kon jump-up go mit Jisos. 51 Den Jisos ask am, "Wetin yu wont mak I du for yu?" Di blind man ansa, "Tisha, mak my eye opun, mak I for fit si again." 52 So, Jisos tel am, "Go, yor fate don heal yu." At wons, di man kon dey si and e kon folo Jisos.

Mark 16:20 Den, di disaipols kon go evriwer for di aria dey prish di gospol and Jisos kon dey du meni mirakols tru dem, so dat pipol go no sey, wetin dem dey prish, na tru.

Luk 14:23 "So di oga tel di savant, 'Mak yu go main road and enta evriwer for di aria, tel pipol mak dem kom, so dat my haus go ful.'

Luk 21:15,36 bikos I go giv una di wod wey una go tok and wisdom wey una enimi nor go fit opoz. 36 "Bot mak una dey shine una eye evritiam, dey pray mak God giv una pawa tak pas all dis tests wey go hapun, so dat una go fit stand for Man Pikin front."

Jon 17:15 "I nor sey mak Yu rimov dem from di wold, bot mak Yu protet dem from di devol.

Apostols 11:23 Wen e rish der kon si haw God don bless di pipol, e hapi wel-wel kon enkorage dem sey mak dem kontinu to woship God wit all dia heart.

Apostols 13:48 Wen di Gentai pipol

hear wetin e tok, dem start to hapi kon dey tank God for en wod and evribodi wey God don shuz to get life wey nor dey end, kon biliv.

1 Fest Korintians 10:13 E nor get enitin wey dey hapun to una naw, wey neva hapun to odas bifor, bot God dey kip en promis and E nor go alow una pas tru wetin una nor go fit bear.

1 Fest Korintians 16:9 bikos plenti wok dey wait for mi for der, ivun doh di shalenge strong wel-wel.

2 Sekon Korintians 12:9 Bot e tel mi, "Di grace wey I giv yu strong rish, bikos my pawa dey show wen yu dey wik." So, I go boast wel-wel abaut haw I nor dey strong, so dat Kraist pawa go dey show for my bodi.

Efisos 6:11 Mak una wear komplit soja uniform wey God dey giv, so dat una go fit stand fite di wayo wey devol dey yuz.

Hibru 1:7,14 God tok abaut di angels sey, "I mak my angels and my savants spirit to dey burn laik fire," 14 All di angels na savants and na dem God send go prish for pipol wey go get salvashon.

James 4:7 So, mak yu giv yorsef to God. Bot rejet di devol and e go run komot from wer yu dey.

1 Fest Pita 5:10 Afta una don sofa smol, God wey kol una wit en grace enta en glori for Kraist go mak una komplit, una leg go strong and una go get pawa.

Jon 14:1 "Mak una nor let enitin wori una maind. Since una biliv God, mak una stil biliv mi.

Jon 14:27 "Mak una maind res, bikos na my peace I giv una. My peace difren from di won wey di wold dey giv. Mak una nor fear or alow enitin wori una maind.

Jon 16:6 "Bot una nor hapi as I dey tel una all dis tins.

Jon 16:20,22 "I tel una tru wod, una go krai and mourn, bot di wold go dey hapi; una go dey sad wel-wel, bot una sadness go turn to hapines. 22 "Na so e bi to una naw, bikos una heart dey heavi, bot I go si una again and for dat taim, una go dey hapi and nobodi go fit tak di hapines from una.

Apostols 2:46 Dem dey stay togeda evriday laik won big famili. Dem dey gada go di Tempol togeda and dem dey go from haus to haus, dey chop togeda wit hapines.

Roman 9:2 e dey pain mi for maind and sorrow ful my heart,

2 Sekon Korintians 1:2-4 Mak God awa Papa and Oga Jisos Kraist giv una grace and peace. 3 Mak wi tank God wey bi awa Oga Jisos Kraist Papa, di God wey dey giv mesi and komfort, 4 E dey help us wen wi dey trobol, so dat wi go fit help odas tru di help wey E help us.

2 Sekon Korintians 2:4 Na pain for my heart I tak rite dis leta giv una, nor bi to mak una ves, bot na to let una no di kaind luv wey I get for una.

Efisos 5:19 Mak una dey tok to unasef wit psalms, hymns and spiritual songs. For insaid una heart, mak una dey praiz God wit hymns and psalms.

Filipian 4:4 Mak una always dey hapi insaid Kraist. I dey tok again sey, mak una dey hapi!

James 5:13 If enibodi dey sofa among una, mak e pray. If enibodi dey hapi

among una, mak e sing dey praiz God.

Begin 20:6 God keep bad pipol from sinin against Kristens.

Exodus 35:21,26 willin spirit. Numba 10:35 God arise enemi skata.

Deuteronomi 2:25 fear of God on pipol. Joshua 2:9 terror of God on Jeriko.

1 Fest Samuel 17:48,50 - David & Goliat

Ester 8:17 fear of Ju pipol on pipol.

Job 29:14 robe of righteousness (gud).

Parabol 13:11,22 God giv moni of bad to gud pipol.

Parabol 22:22,23 God help opresed pipol.

Isaia 35:8 Way of Holiness Isaia 43:2 fire and wata not hurt God pipol.

Isaia 49:25 God kworel (contend) with enemi.

Isaia 54:17 no weapon wark on God pipol.

Isaia 59:19 Spirit God lift up standard against enemi flood.

Ezekiel 22:30 God want man pray for pipol.

Ezekiel 45:8 rulers not opres God pipol.

Daniel 4:16; Daniel 7:4 heart of man or beast.

Zekaraya 4:6 Not by might, or power, but by My Spirit, sey God.

Roman 6:23 Bikos, di riwod for sin, na deat, bot God gift wey Jisos Kraist dey giv us, na life wey nor dey end.

Roman 8:2 Since di Holi Spirit don giv una life wey kom from Jisos Kraist, e go fri una from sin and deat.

2 Sekon Timoti 1:10 Bot naw, E don bring all dis plan out wen awa Oga Jisos Kraist kom dis wold. E distroi deat pawa kon bring life wey nor dey end tru di gospol.

Ezekiel 37:12,13 God opun graves & bring out God pipol - Revelashon 20:13 And doz wey don die insaid sea kon kom out. Deat and grave riliz di wons wey dey insaid dem and God joj dem akordin to wetin dem du.

Matu 27:52 Graves kon opun God pipol wey don die kom wak-up.

Apostols 17:25 and E nor wont mak humanbin gi-am somtin laik sey E nid enitin, bikos naim dey giv life and air wey wi dey breat. (Job 12:10)

Revelashon 13:15 Di sekon beast stil get pawa to giv life to di first beast image so dat e go fit tok and kil doz wey nor gri woship di first beast image.

Jon 10:10 "Di tin wey tif dey du, na to tif, kil and distroi pipol, bot mi, I kom so dat pipol go get life, di kaind life wey ful wel-wel.

Revelashon 22:1 Den di angel show mi di riva wey dey giv life. Di riva klear laik kristal and e dey pour kom from God and di Lamb throne.

Jon 4:10 Jisos ansa am, "If yu no wetin God gift bi and di pesin wey dey ask yu for wota so, yu for ask am and e go giv yu di wota wey dey mak pesin liv foreva."

Jon 4:14 "Bot enibodi wey go drink from di wota wey I go gi-am, nor go hungry for wota again, bikos di wota wey I go gi-am, go turn to riva wey nor dey dry insaid en bele and di wota go gi-am life wey nor dey end."

Jeremia 21:8 - Matu 7:13,14 "Mak yu pas di smol gate enta, bikos di gate wey pipol go pas go sofa, wide wel-wel and meni pipol dey waka enta. 14 "Bot di gate wey pipol dey pas enta life, smol wel-wel and e hard to enta and na onli few pipol go fit si-am.

Parabol 10:2 - Roman 5:21 and as sin dey kontrol us tru deat, na so God grace dey rule tru raitiousnes wey dey bring life wey nor dey end, bikos of Jisos Kraist wey bi awa Oga.

Matu 15:4 "God sey, 'Respet yor papa and mama, enibodi wey kos en papa or mama, dem must kil-am.'

Mark 13:22 "Bikos fake kraists and profets go kom and dem go du signs and mirakols wey bi laik majik to disiv pipol. If to sey e posibol, dem go disiv di pipol wey God don shuz. (Ezekiel 13:17-23)

Jon 5:28,29 "So, mak dis wod nor sopraiz una, bikos di taim dey kom, wen all doz wey dey insaid grave go hear di pikin vois, 29 and di angels go kon seprate di pipol wey du gud tins, mak dem enta life wey nor dey end, bot God go kondem di pipol dem wey dey du bad tins. (Isaia 26:19)

Jon 10:28 "I don giv dem life wey nor dey end and dem nor go eva die. Nobodi go fit tak dem komot from my hand.

Jon 11:43,44 Wen e don tok dis finish, e kon shaut, "Lazarus, kom out!" 44 Den Lazarus kon kom out, bot di klot wey dem tak bere am stil kova en bodi. So, Jisos tel dem, "Mak una luz di klot komot for en bodi, mak e dey go."

Jon 12:17 So di pipol wey dey wit am wen e wak Lazarus from grave kon tel odas abaut am.

Jon 17:2 "Jos as Yu don giv mi pawa ova all di pipol for di wold, na so tu I go giv life wey nor dey end to evribodi wey Yu giv mi.

1 Fest Korintians 15:19-26 Bikos if na onli for dis life wi get hope for Kraist, den awa kase wos pas eni oda pesin own for dis wold. 20 Bot God don raiz Kraist from deat! And E mak us dey sure sey, oda pipol go raiz-up from deat tu. 21 Jos as pipol go die bikos of Adam, na so tu wi go raiz-up kom life, bikos of Kraist. 22 Adam bring deat kom mit all of us, bot Kraist bring life kom. 23 Bot all of us must wait for awa turn. Na Kraist God first raiz kom life and Kraist go raiz en pipol wen e kom bak. 24 Den afta Kraist don distroi all pawas, di wold go end and e go giv di kindom to God wey bi di Papa. 25 Kraist go rule ontill e don put all en enemis unda en pawa 26 and di last enemi wey e go distroi, na deat.

2 Sekon Korintians 1:9,10 Tru-tru, wi tink sey wi go die. Bot dis hapun so dat wi nor go jos trust awasef, bot wi go trust God wey dey wak pipol from deat. 10 E save us from deat and E go diliva us. Wi don put awa hope for en hand sey E go diliva us again.

2 Sekon Korintians 3:6 Na God mak us fit du dem, so dat wi go serv di new kovenant; dis nor bi di law wey dem rite, bot na di won wey konsan God Spirit, bikos di law wey dem rite dey bring deat, bot di Spirit dey giv life.

**Kolosha 1:21,22 Bifor-bifor, bikos of di wiked tins wey una dey du and tink,
una dey far from God and una bi en enemi. 22 Bot naw, wit en pikin blood, E
don draw una klose kom en present, so dat E go mak una en frends wey nor
get stain or fault and wey dey holi.**

**2 Sekon Timoti 3:8,9 Jos as Jannes and Jambres opoz Mosis; na so tu, dis
pipol wey dia maind blok and nor get fate, dey opoz di trut. 9 Bot dem nor
go du-am tey, bikos evribodi go si haw dem foolish rish, jos as e hapun to
Jannes and Jambres. (Ezekiel 13:17-23)**

**Hibru 2:9 bot wi si Jisos wey angels big pas smol, bot e nor tu tey bifor God gi-
am glori and onor, bikos e sofa and die for evribodi, jos as God plan am.**

**Hibru 2:14,15 So as di shildren get flesh and blood, en tu get flesh and blood
laik dem, so dat tru deat, e go fit distroi Satan wey get pawa to kil 15 and e
go fri pipol wey deat don hol.**

**Hibru 11:5 Na fate nor let Enok die, bot God kari am tak and nobodi si-am. God
wod sey, bifor God kari am, Enok don mak bele swit God.**

**1 Fest Pita 3:18 Bikos of sin, Kraist sofa. En wey nor du bad, sofa for doz wey
du bad, so dat e go kari us go mit God. And wen dem kil-am, e wak-up as
spirit.**

**2 Sekon Pita 1:3 I pray mak God pawa giv us evritin wey wi nid, so dat wi go
fit liv di kaind life wey E wont, as wi don no di trut abaut Jisos wey kol us
wit en glori and gudnes.**

**2 Sekon Pita 2:1,3 As fake profets dey among di pipol bifor, na so fake tishas
go dey among una tu. Dis fake tishas go tish lai-lai tins wey fit distroi pesin
and dem go sey dem nor no di Masta. Laik dis, dem go distroi demsef. 3 and
dem go disiv una wit dia wayo. God don kondem dem tey-tey and Kraist
wey go distroi dem, nor dey slip.**

**1 Fest Jon 3:14 Wi no sey wi don kros from deat enta life, bikos wi dey luv and
kare for awa brodas and sistas for Kraist.**

**1 Fest Jon 5:11 Dis na wetin God tok: God don giv us life wey nor dey end and
dis life dey insaid en Pikin.**

**Revelashon 21:6 E stil tel mi, "God don du-am finish! Na mi bi di Alfa and
Omega, di startin and di endin. Enibodi wey hungry for wota, I go giv am
spring wota wey dey giv life and e nor go pay. (Parabol 14:27)**

Ezekiel 13:17-23 God fri di soul of God pipol from witchcraft.

Isaia 28:15,18 covenant with deat, and agreement with hell - God break.

Isaia 5:24 rotun root

Joel 1:12 withered joy

Hosea 13:15 dri spring & dri fountain